

## Evening Dogri (NSD) News

27 Nov. 2025

### खबरां

1. प्रधानमंत्री नरेन्द्र मोदी होरें आखेया जे भारत दा खल्लाS खेतर वैश्विक निवेशकें आस्तै इक आकर्षक थाहर बनदा जा करदा ऐ। मोदी होरें स्काईरुट दे इन्फिनीटि कैम्पस दा वीडियो कांफ्रेंस राएं उदघाटन कीता।
2. रक्षामंत्री राजनाथ सिंह ते इंडोनेशिया दे रक्षामंत्री होरें अज्ज नमीं दिल्ली च त्रीयें भारत इंडोनेशिया रक्षा मंत्रियें दी गल्लबात दौरान दौनें मुल्लखें बश्कार लम्मी अवधि आली रणनीतिक सांझेदारी ते दपक्खी रक्षा सहयोग दी तस्दीक कीती।
3. अंतराष्ट्रीय मुद्राकोष IMF नै आखेया ऐ जे 6 च भारत दी अर्थबवस्था 26-2025 फीसद दी दर कन्नै बधने दा अनुमान ऐ। 6 इशारियावस्तु ते सेवा कर जीटी सुधारें राएं.एस. फीसद टैरिफ दे प्रतिकूल असर थमां बचने च मदद 50 मुल्लख गी अमरीका आसेया लाए गेदे मिलोग।
4. इंडोनेशिया दे सुमात्रा द्वीप दे पच्छमी कंडे पर अज्ज 6 इशारिया 6 तीव्रता दा भूंचाल आया। सुमात्रा द्वीप कुदरती आपदा ते चक्रवात कन्नै दो-चार होआ रदा ऐ।
5. सुलतान अजलन शाह कप हॉकी प्रतियोगिता च भारतीय टीम दा शानदार प्रदर्शन लगातार जारी- भारत नै न्यूजीलैंड दी टीम गी 3-2 कन्नै शिकस्त दिती।

<><><><><><>

### PM -Skyroot

प्रधानमंत्री नरेन्द्र मोदी होरें आखेया जे भारत दा खल्लाS खेतर वैश्विक निवेशकें आस्तै इक आकर्षक थाहर बनदा जा करदा ऐ। मोदी होरें स्काईरुट दे इन्फिनीटि कैम्पस दा वीडियो कांफ्रेंस राएं उदघाटन कीता। इस मौके पर बोलदे होई उनें आखेया जे सरकार नै देशै दे खल्लाS आले खेतर लेई केई सारे ऐतिहासिक सुधार कीते न। प्रधानमंत्री नरेन्द्र मोदी होरें आखेया जे सरकार नै अंतरिक्ष खेतर गी नीजि नवाचार आस्तै खोली दिता ऐ- जेदे कन्नै स्टार्ट-अप दे उद्योग देशै दे साईसी पारिस्थितिकी तंत्र कन्नै मिलियै कम्म करी सकगंन। उनें आखेया जे अगले किश बरें च वैश्विक अंतरिक्ष अर्थबवस्था केई गुणा बदोग ते मुल्लखै दे युवाएं आस्तै केई सारें मौकें पैदा होगंन। उनें आखेया जे पिच्छले 7 बरें च भारत नै अपने इस खेतर च केई सुधार कीते न ते अज्ज 3 सौ थमां बहू अंतरिक्ष स्टार्ट-अप भारत दे सरबंधी भविक्ख गी नमीं मेद देया रदे न।

## President -CDC

राष्ट्रपति द्रौपदी मुरमू होरें आखेया ऐ जे भारतीय सशस्त्र बलें राष्ट्र दी सम्पदा च देशभक्ति ते पेशेवराना ढंगै सिर कम्म करने दा बेमिसाल प्रदर्शन कीता ऐ। राष्ट्रपति होर अज्ज नमीं दिल्ली च चाणक्य रक्षा संवाद 2025 गी सम्बोधित करा रदियां हियां। इस मौके पर उनें आखेया जे सशस्त्रबलें हर चुनौति दौरान टकोदा ते पूरे दृढ संकल्प कन्नै कम्म कीता ऐ। उनें आखेया जे आप्रेशन सिंदूर दी हालिया सफलता देशै दी आतंकवाद-रोधी ते निवारक रणनीति दा इक फैसलाकुन पल हा। राष्ट्रपति होरें इस गल्लै पर जोर दिता जे दुनिया नां छड्डा भारत दी सैन्य शक्ति गी समझी गई ऐ सगुआं शांति दी दिशा च मजबूती कन्नै ते जिम्मेदारी कन्नै कम्म करने दी ओदी नैतिक साफगोई पर बी ध्यान दिता ऐ। उनें आखेया जे सशस्त्रबलें अपनी भूमिका थमां परे रक्षाबल राष्ट्र विकास दा थम्म रेया ऐ। उनें बन्ने गी सुरक्षित ते सशक्त बनाने दे इलावा रक्षाबल बुनियादी ढांचे सम्पर्क ते सैलसफा- शिक्षा राएं सीमा क्षेत्र विकास च बी मददगार रेया ऐ।

<><><><><><>

## President- Odisha Visit

राष्ट्रपति द्रौपदी मुरमू होर अज्ज अपने गृहराज्य ओडिशा दे 2 दिन दे दौरे पर दपैहरी भुवनेश्वर दे बिजू- पटनायक अंतराष्ट्रीय हवाई अड्डे पर पुजियां। राष्ट्रपति मुरमू होरें अज्ज ओडिशा विधानसभा दे सत्र गी सम्बोधित कीता। ए पैहली बारी ऐ जिस्सलै राष्ट्रपति होरें ओडिशा दी विधानसभा गी सम्बोधित कीता होऐ। राष्ट्रपति होर इस दौरान विधानसभा दे कमरा नम्बर -11 च बी गेइयां जित्थे उनें अपने कार्यकाल दौरान कम्म कीता। राष्ट्रपति द्रौपदी मुरमू होरें गी विधानसभा लेई 2 बारी चुनेया जाई चुके दा ऐ।

<><><><><><>

## Vice President -MSME

भलेया लौहके- लौहके ते दर्मेयाने दर्जे दे उद्योगें सरबंधी मंत्री जितिन राम मांझी ते राज्यमंत्री शोभा करनदलाजे होरें अज्ज नमीं दिल्ली च उपराष्ट्रपति सी.पी. राधाकृष्णन हुंदे कन्नै मलाटी कीती। सोशल मीडिया दी पोस्ट च उपराष्ट्रपति होरें आखेया जे उनेंगी आर्थिक विकास- रोजगार-उद्यमें दा विकास – लोकें दे सशक्तीकरण ते पर्यावरण सरबंधि स्थिरता च MSME दी महत्वपूर्ण भूमिका बारे जानकारी दिती गई। मंत्रालय नै खादी- ग्राम उद्योग ते जूट उद्योगें सनें MSME खेतर दे विकास लेई जतनें बारे रुपरेखा पेश कीती। राधाकृष्णन

होरें MSME खेतर गी बढावा देने आस्तै मंत्रालय आसेया कीती जा रदी कोशिशें दी सराहना कीती।



### Gujrat SIR

गुजरात च मतदाता सूचियें दी विशेष नजरसानी आला कम्म कीता जा रदा ऐ। अज्जे तगर 5 करोड़ थमां बद्द मतदाताएं च परपत्र बंडे जाई चुके दे ना। भारतीय चुनां आयोग 29 ते 30 नवम्बर गी खास शिवर लोआग- तां जे इस कम्मै च तेजी आंदी जा। मतदाता फार्में दा डिजिटलाईजेशन करने आला कम्म तेजिया कन्नै जारी ऐ। डैंग जिले च कम्म सब्भनें थमां तेजिया कन्नै चला रदा ऐ। SIR Campaign नै गुजरात च मतदाता सूचियें दी नजरसानी आले कम्मै च खरी कारकदर्गी दस्सी ऐ। 10 लक्ख ऐसे मतदाताएं दे नाएं दा पता लग्गा ऐ जिंदी मौत होई चुकी दी ऐ ते 11 लक्ख थमां मते मतदाता स्थाई तौर पर इत्थुआं चली गेदे ना। राज्य दे मुख चुनां अधिकारी होरें सब्भनें योग्य मतदाताएं गी अपील कीती ऐ जे ओ जरुरी तरमीम लेई अग्गे औना।



### DM -Indonesia DM

रक्षामंत्री राजनाथ सिंह ते इंडोनेशिया दे रक्षामंत्री होरें अज्ज नमीं दिल्ली च त्रीयें भारत इंडोनेशिया रक्षा मंत्रियें दी गल्लबात दी सह-अध्यक्षता कीती। दौनें नेताएं दौनें मुल्लखें बश्कार लम्मी अवधि आली रणनीतिक सांझेदारी ते दपक्खी रक्षा सहयोग दी तजदीक कीती। बैठक च दौनें मुल्लखें अंतराष्ट्रीय कनून सम्प्रभुता दे बरोबर अधिकार पर इक आजाद मुक्त- शांतिपूर्ण- स्थित ते समृद्ध हिंद प्रशांत खेतर बनाई रखने दे महत्व पर जोर पाया।



### DM -Indonesia Ties

रक्षामंत्री राजनाथ सिंह होरें आखेया ऐ जे भारत ते इंडोनेशिया हजार बरे परानी सभ्यतागत सरबंधें गी सांझा करदे ना। उनें आखेया जे दवै समुन्द्री गोआंडी मुल्लख न ते ओ ऐतिहासक सांस्कृतिक ते सभ्यता साहबै बी जुडे दे ना। नमीं दिल्ली च भारत इंडोनेशिया रक्षामंत्रियें दी त्रीं गल्लबात दौरान मंत्री होरें इयां आखेया। रक्षामंत्री होरें आखेया बहुपक्खवाद दे मुल्ल समावेशिता ते कानून दौनें मुल्लखें च इक्के नेह ना। इनें सांझा मुल्ले साहडे सरबंधें गी दिशा प्रदान कीती ऐ। सिंह होरें आखेया जे गल्लबात दौनें मुल्लखें दे रक्षा सहयोग

दी बददी शक्ति आस्तै इक आजमाईश दे तौर पर सेवा प्रदान करदी ऐ। ए साहडे सहयोग दा इक्क प्रमुख थम्म ऐ।

<><><><><><>

### Common Wealth Games Ahmedabad

भारत गी 2030 दे राष्ट्रमंडल खेड्डे दी मेजबानी थ्होई गई ऐ। 2030 दे राष्ट्रमंडल खेड्डे अहमदाबाद च आयोजित कीते जाडन। इस फैसले गी मंजूरी 74 राष्ट्रमंडल सदस्य मुल्खे दे प्रतिनिधिमंडल आसेआ दिती गई। भारत हुन दुई बारी राष्ट्रमंडल खेड्डे दी मेजबानी करोग। एहदे थवां पैहले 2010 च इनें खेड्डे दा आयोजन नमी दिल्ली च कीता गेआ हा। खेड्डे मंत्री मनसुख मांडविया होरें इनें खेड्डे दी मेजबानी भारत गी थ्होने पर खुशी जाहिर कीती ते आखेआ जे एहू भारत आस्ते बड़ी गै मानै आहली गल्ल ऐ। प्रधानमंत्री नरेंद्र मोदी होरें इस आस्ते देशवासिएं गी बदाई दिती। गृह मंत्री अमित शाह होरें बी राष्ट्रमंडल खेड्डे 2030 दा आयोजन भारत च कीते जाने आहली घोशणा मगरा देशवासिएं गी मुबारकबाद दिती ऐ।

<><><><><><>

### UIDAI

टकोह्दी पंछान सरबंधी भारती प्राधिकरण यानि UIDAI नै राष्ट्रव्यापी अभियान दे तैहत 2 करोड़ थमां बहू मृतके दे आधार नंबर बंद करी दिते ना। सूचना प्रौद्योगिकी मंत्रालय नै जानकारी दिती जे यू.आई.डी.ए.आई नै एहू आंकडे भारत दे रजिस्ट्रार जनरल, राज्यें ते केंद्री राज पबंधन आहले क्षेत्रें थमां लैते ना। उनें आखेआ जे कोई बी आधार नंबर कुसा होर गी नेई दिता गेआ ऐ। मंत्रालय नै आखेआ ऐ कि जेकर कुसा दी मृत्यु होंदी ऐ तां ओह्दे आधार नंबर गी बंद कराना जरूरी ऐ तां जे कुसा बी शिनाख्ती धोखाधड़ी या माली धोखे थमां बचेआ जाई सकै।

<><><><><><>

### IMF -Ind Economy

अंतराष्ट्रीय मुद्राकोष IMF नै आखेया ऐ जे 2025-26 च भारत दी अर्थबवस्था 6 इशारिया 6 फीसद दी दर कन्नै बधने दा अनुमान ऐ। इसदे च वस्तु ते सेवा कर जी.एस.टी सुधारें राएं मुल्ख गी अमरीका आसेया लाए गेदे 50 फीसद टैरिफ दे प्रतिकूल असर थमां बचने च मदद मिलोग। IMF नै इक ब्यानै च आखेया जे भारत दी अर्थबवस्था लगातार खरा प्रदर्शन करा रदी ऐ। माली बरे 2025-26 दी पैहली तिमाही च असल सकल घरेलू उत्पाद च 7 इशारिया 8 फीसद दा बाह्दा दर्ज कीता गेया ऐ- जेडा जे माली बरे 2024-25 च 6 इशारिया 5 हा।

कोष नै आखेया ऐ जे भविष्य च इक उन्नत अर्थबवस्था बनने दी भारत दी महत्वकांशा गी व्यापक सुधारें राएं अगो बधाइयै समर्थन दिता जाई सकदा ऐ।



## SA-G-20

अमरीकी राष्ट्रपति डोनाल्ड ट्रम्प होरें घोषणा कीती ऐ जे मियामी च अगले बरे होने आहले जी-20 शिखर सम्मेलन च दक्खन-अफ्रीका गी साद्दा नेंई दिता जाग। सोशल मीडिया दी इक पोस्ट च ट्रम्प होरें आखेया जे इस बरे जी-20 सम्मेलन च इक अमरीकी प्रतिनिधि कन्नै गलत व्यवहार मगरा मुख्य गी दिते जाने आहले सारे अमरीकी भुगताने ते रियायतें गी रोका रदे ना। श्वेत अफ्रीकियें गी हिंसक तरीके कन्नै निशाना बनाए जाने करी ट्रम्प होरें जोहान्सबर्ग शिखर सम्मेलन च हिस्सा नेंई लैता हा ते दावा कीता ऐ जे उनें अमरीकी प्रतिनिधिमंडल भेजने थवां इंकार करी दिता हा। ट्रम्प होरें आखेया जे दक्खन-अफ्रीका नै अमरीकी दूतावास दे इक वरिष्ठ अधिकारी गी जी-20 मेजबान जिम्मेदारियां सौंपने थवां इंकार करी दिता हा जेदे मगरा एह फैसला लैता गया।



## IITF-2025

इस बरे दा भारत अंतरराष्ट्री बपार मेला आई.आई.टी.एफ अज्ज सम्पन्न होई गया। इस म्हीने दी 14 तरीक गी नमी दिल्ली च भारत मंडपम च शुरू होए दे 14 दिन दे विशाल वैश्विक मेले च भारत दी समृद्ध विविधता गी प्रदर्शित कीता गेआ। इस बरे दे आयोजन च बिहार, महाराष्ट्र, राजस्थान ते उत्तर-प्रदेश भ्याल राज्य हे जिसले कि झारखंड पर मुख्क तवज्जो दिती गई। एहू मेला सरकार, उद्योग ते अंतरराष्ट्री प्रदर्शकें दी व्यापक हिस्सेदारी ते बपार, प्रौद्योगिकी ते सांस्कृतिक आदान-प्रदान आस्तै इक वैश्विक मंच दे तौर पर भारत दी अगुवाई करदा ऐ। इस दरान ग्रामीण विकास मंत्रालय आसेआ आयोजित सरस आजीविका मेले नै ग्रामीण महिलाएं गी अपनी कला, कम्म ते हत्थें कन्नै बने दे समेयान गी दुनिया दे सामने रखने लेई ते सुखने गी साकार करने आस्तै इक मंच दिता।



## Indonesia- Earthquake

इंडोनेशिया दे सुमात्रा द्वीप दे पच्छमी कंडे पर अज्ज 6 इशारिया 6 तीव्रता दा भूचाल ते झटके मसूस कीते गो। सुमात्रा द्वीप कुदरती आपदा ते चक्रवात कन्नै दो-चार होआ रदा ऐ। हाल च गै उत्तरी सुमात्रा प्रांत च हाड़ ते जमी धस्सने करी 28 लोकें दी मौत होई गई ही। इस करी सिड़क ते संचार सेवाएं दी स्थिति खराब होने करी बड़ा नुक्सान होआ ऐ।



## Hong Kong Fire

हांगकांग दे ताई पो जिले च अगग लग्गने आहली घटना च मरने आहलें दी गिनतरी 55 होई गई ऐ। एह अगग इक रिहायशी परिसर च लग्गी। 700 लोकें गी अस्थाई आसरमे च पजाया गेआ ऐ जिसले कि 270 लोक अजें बी लापता ना। रिकार्ड थमां पता लग्गा ऐ जे हाउसिंग काम्प्लेक्स च 8 ब्लाक हे, जिंदे च करीब 2 ज्हार अपार्टमेंट हे जेदे च करीब 4 ज्हार 800 लोक रौहंदे हे।



## Sengottaiyan -TVK

तमिनाडू च ऑल इंडिया अन्ना DMK पार्टी थमां कड्डे गेदे वरिष्ठ नेता के.ए संगेट्टइयन कल तमिलगा वेत्री फलगम TVK पार्टी च शामिल होई गो। अभिनेता ते राजनेता विजय हुन्दे आसेया शुरु कीती गेदी पार्टी च उनेंगी मुख्क आयोजक नियुक्त कीता गया ऐ।



## IFFI

गोवा दे मुख्कमंत्री प्रमोद सावंत होरें गोवा दे पणजी च 56में भारतीय अंतराष्ट्रीय फिल्म महोत्सव च दिग्गज सिनेमैटोग्राफर ते फिल्म निर्माता के. वैकुंठ हुंदे सम्मान च इक यादगारी डाक टिकट जारी कीता। गोवा च समारोह गी सम्बोधित करदे होई सावंत होरें आखेया जे सिनेमा दे कन्नै गोवा दे जुड़ने थवां पैहले के. वैकुंठ होरें भारतीय सिनेमा पर अमिट छाप छोड़ी ऐ। गोवा च मुख्कमंत्री होरें उनेंगी इक ऐसे व्यक्ति दे तौर पर चेता कीता- जिन्दे कैमरे नै क्लासिक भारतीय सिनेमा दी दृष्य भाषा गी आकार दिता। उनें आखेया जे वैकुंठ हुंदी बेमिसाल शैली नै बड्डी भव्य ते कोमल ते सूक्ष्म मानवीय भावनाएं गी इक थाहर समाहित कीता ऐ। 5 दहाके थवां लम्में अपने केरियर च वैकुंठ होरें केई Add ते डाक्यूमेंट्रीज दे इलावा 35 थमां मती फीचर फिल्में च कम्म कीता।

## Kmr-Raids

बंदिश आले संगठन जमात –ए-इस्लामी खलाफ जारी कारवाई दे इक हिस्से दे तौर पर पुलसै-कश्मीर घाटी च बक्ख-बक्ख थाहरें पर छापे मारे ना। एह छापेमारी अनंतनाग-पुलवामा- बडगाम- कुलगाम ते कुपवाड़ा जिले च कीती गई ऐ। पुलसै इस दरान रिहायशी थाहरें पर जमात-ए-इस्लामी दे सदस्यें कन्नै जुड़े दे होरनें ठिकानें गी निशाना बनाया। जमात-ए-इस्लामी दे किश सदस्यें दे राश्ट्र-वरोधी गतिविधियें च शामिल होने बारे थ्होई दियें खूफिया जानकारियें दी बिनाह उप्पर एह छापेमारी कीती गई ऐ। इस दरान संगठन ते एहदे संस्थानें कन्नै जुड़े दे लोकें दे घरें थमां इलैक्ट्रानिक उपकरण- दस्तावेज ते किश साहित्यक समग्री जब्त कीती गई।



## Terror Arrest

पुलसै संदिग्ध आतंकवादी गतिविधियें कन्नै जुड़े दे होने दे आरोप च 19एं बरे दे इक किशोर गी गिरफ्तार कीता ऐ ते ओदे शा जब्त कीते गेदे डिजिटल उपकरणें दी जांच कीती जा रदी ऐ। आकाशवाणी दे जम्मू संवाददाता दी रिपोर्ट मुजब- पुलसा दे इक प्रवक्ता नै दस्सेया ऐ जे आरोपी- रियासी जिले दा बसनीक ऐ ते ओह मजूदा समें च बठिंडी इलाके च रवा रदा हा। आतंकवादी गतिविधियें च मुख आरोपी दे तौर पर ओदा नां सामने औने पर बाहु फोर्ट पुलस थाने च BNS दी दफा 113(3) दे तैहत ओदे खलाफ मामला दर्ज कीता गया ऐ। पुलसै आखेया ऐ जे शुरुआती जांच च एह गल्ल सामने आई ऐ जे आरोपी गी ऑनलाईन गै कट्टरवादी बनाया जा रदा हा ते ओह कथित तौर पर इक आतंकवादी कारवाई दी योजना बना करदा हा। अधिकारियें इब्बी दस्सेया ऐ जे संदिग्ध नै मोबाईल फोन दे राहें पाकिस्तान ते होरनें किश मुखें दे किश नम्बरें कन्नै राबता रक्खे दा हा। इस किशोर उम्मी दे आरोपी थमां जब्त कीते गेदे डिजिटल उपकरणें दी जांच कीती जा रदी ऐ ते अगड़ी तफतीश जारी ऐ।



## Hockey

सुलतान अजलन शाह कप हॉकी प्रतियोगिता च भारतीय टीम दा शानदार प्रदर्शन लगातार जारी। टीम इंडिया नै न्यूजीलैंड गी 3-2 कन्नै शिकस्त दिती। भारत दे अमित रोहिदास संजय ते सेल्वम होरें गोल दागे जिसले कि न्यूजीलैंड आस्तै 42में ते 48में मिनट च जॉर्ज बेकर नै गोल दागेया। हून भारत दा अगला मैच 29 तरीक गी कनाडा कन्नै होगा।